

KANEK SIRA ALIANSA NIAN NO MAROMAK NIA MIZERIKÓRDIA (Crn 36,14-16.19-23)

G: Istória nakukun liu Israel nian mak salan korál husi kategoria hotu povu nian, ne'ebé nia konsekuénsia harahun aliansa ho Maromak, dinastia mohu, templu rahun, husik Rain... ezíliu... Saida mak sei hela?

L1: Ne'e mak momentu aparente iha-ne'ebé aat mak ukun, basá hanesan oliveira sanak ida iha manu-falur nia ibun, liafuan sira liurai estranjeiru ida nian halo Maromak nia fidelidade sai prezente.

L2: Na'i mai to'o ita – ho lais no kontinuamente, ita bele dehan 'ho delikadeza' – ho ninia manu-ain sira tanba nia iha kompaixaun ba ninia povu. Ciro mós, maski la'ós ebreu, sai instrumentu di'ak nian ba povu eleitu, ne'ebé moris iha situasaun ezíliu... migrante forsadu, estranjeiru iha rai Pérsia.

KNANANUK BA ESPOZISAUN S. SAKRAMENTU:

Symbolum '77 - Pier Angelo Sequeri

Tu sei la mia vita, altro io non ho
Tu sei la mia strada, la mia verità
Nella tua parola io camminerò
Finché avrò respiro,
fino a quando tu vorrai
Non avrò paura, sai, se tu sei con me
Io ti prego resta con me

Credo in te Signore, nato da Maria
Figlio eterno e Santo, uomo come noi
Morto per amore, vivo in mezzo a noi
Una cosa sola con il Padre e con i tuoi
Fino a quando, io lo so, tu ritornerai
Per aprirci il regno di Dio

Tu sei la mia forza, altro io non ho
Tu sei la mia pace, la mia libertà
Niente nella vita ci separerà
So che la tua mano forte non mi
lascerà
So che da ogni male tu mi libererai
E nel tuo perdono vivrò

Padre della vita, noi crediamo in te
Figlio Salvatore, noi speriamo in te
Spirito d'amore, vieni in mezzo a noi
Tu da mille strade ci raduni in unità
E per mille strade, poi, dove tu vorrai
Noi saremo il seme di Dio

(Adorasaun pesoáil iha silénsiu)

G: Ita Invoca Na'i, hodi hetan inspirasaun husi S. Francisco de Assis nia moris: *Oh Na'i, halo ha'u instrumentu ida Ita domin nian: iha-ne'ebé iha ódiu, halo atu ha'u lori domin, iha-ne'ebé iha ofensa, halo atu ha'u lori perdaun, iha-ne'ebé haketak-malu, atu ha'u lori uniaun, iha-ne'ebé iha erru, halo ha'u lori lia-loos.*

MAROMAK NIA LIAFUAN

Lia husi Livro Crónicas (II,36,14-16.19-23)

«Iha loron hirak ne'ebá, Judá nia na'i-ulun sira hotu, Sacerdote sira no povo, halo sala barak liu tan: Sira halo tuir hahalok aat nação gentio sira nian, sira sala hasoru

Uma-Oração, ne'ebé, Na'i halo Santo iha Jerusalém. Na'i sira bei-ala sira ba hasoru sira, basá, Nia hakarak atu soi nia povo, soi nia horik fatin. Maibé sira hateten aat Maromak nia manu-alin sira, hewai Nia liafuan, mangasáan ninia Profeta sira, halo Nia hírus liu tan hasoru nia povo. Ema Caldeu sira, sunu tiha Maromak nia Uma-Oração, sobu Jerusalém nia baki, tau áhi ba nia kadunan sira hotu, halo nabéen nia murak sira. Caldeu sira nia liurai, lori ba Babilónia sira hotu ne'ebé nia la óho, hodi halo sira sai atan ba nia, ho nia oan sira, to'o loran harii reino Persa. Nune'e, halo tuir dun ilia ne'ebé, Na'i dehan sai hosi Jeremias nia ibun: "Rai sei sai aat, sei la kuda fini iha tinan hitu-nulu nia laran, to'o hamaha-an ne'e, selu sábado-sábado ne'ebé la tuir". Iha tinan uluk, Ciro, liurai Pérsia nian, atu sai tuir duni Na'i nia liafuan mai hosi Jeremias, Na'i fó hanoin Ciro, liurai Pérsia, ne'ebé haruka fó sai iha nia reino tomak, ho lian maka'as, no mos hakerek, liafuan hirak ne'e: «Ciro, liurai Pérsia nian, hateten nune'e: Na'i ileahan nia Maromak, tau iha ha'u liman, reino sira hotu rai ninian. Nia rasik haruka ha'u harii Uma-Oração ida iha Jerusalém, Judá nian. Imi sira hotu ne'ebé pertence ba nia povo, la'o ba! Maromak hamutuk ho imi».

SALMU 136

*Jerusalém, ha'u haluha tiha karik ó,
ha'u nanal sei to'os tihal:*

Iha mota sira Babilónia nian sira ninin
ami tur tanis hodi hanoin Sião.
Iha ai salgueiro be moris mota ninin,
amí tara ami cítara.

Sira be dadur ami, husu ami hananu,
sira be haterus ami, husu ami ksolok.
"Imi hananu ba – sira dehan – imi hananu ba
Sião nian knananuk!"

Oin sá ami hananu iha ema seluk rain ?
Ha'u liman matek tiha ba,
ha'u haluha tiha karik ó, Jerusalém!

Ha'u nanal belit tiha iha ibun laran ba,
ha'u haluha karik ó, ha'u la tau karik ó
iha ksolok hotu nia leten, Jerusalém!



KOMENTÁRIU

Fiar-na'in hotu hasoru difikuldade iha dalan fier nian, dalan ne'ebé husu empeňu, seriedade no konstânsia. Maibé bainhira difikuldade no solidau sai boot (ita nunka fier mesak, maibe nafatin iha kontestu komunitáriu) bele akontese ita monu iha tentasaun atu kaer metin buat ne'ebé promete ksolok, maibé iha realidade iluzaun de'it. Bainhira ida-ne'e akontese, Maromak dook ho modu aparente de'it: se ita la sente Nia, ne'e tanba Nia hatene katak modu intelijente no efikás ida mesak atu halo ita fila ba uma mak respeita ita-nia liberdade no la impoin buat

ida. Nu'udar Aman ne'ebé solidáriu, nia prontu terus bainhira haree ita moris iha eziliu, nu'udar imigrante forsadu dook husi fiar, atu bele garante kondisaun sira ba fila-hikas ida ne'ebé auténtiku, konxiente no hanoin didi'ak iha fuan. Ho diskri-sau, hodi la obriga, Na'i hamosu mai ita sasin sira iha ne'ebé de'it ita horik bá: natón de'it atu ita iha haraik-an uitoan atu hateke ba figura sira-ne'e, dalabarak eziladu sira, estranjeiru sira: sira-ne'e mak Maromak nia lia-bolun ba konversaun, atu foti fali dalan ida mesak ne'ebé garante ksolok nakonu.

MAJISTÉRIU PAPA FRANCISCO NIAN

Husi Fratelli Tutti – Leitura pesoál

129. Bainhira maluk [prósimu] mak ema migrante ida aumenta tan dezafiu kompleksu sira. Ideál mak, lahó dúvida, evita migrasaun desnesesária sira no, ba ne'e, dalan mak kria possibilidade real sira atu moris no buras ho dignidade iha País orijen nian, hodi bele hetan kondisaun sira ba dezenvolvimentu integrál rasik. Maibé, enkuantu la iha progresu sériu iha liña ida-ne'e, ita-nia dev'er mak respeita direitu ne'ebé ser umanu hotu iha atu hetan fatin ida iha-ne'ebé la'ós bele de'it satisfás ninian no família nia nesesidade bázika sira, maibé mós realiza nia an nu'udar ema ho modu nakonu. Ita-nia esforsu sira ba ema migrante nia di'ak ne'ebé to'o ita rain bele rezume iha verbu haat: simu, proteje, promove no integra. Defaktu, «la'ós kona-ba impoin husi leten programa asistensiál sira, maibé halo dalan hamutuk liuhusi asaun haat ne'e, atu harii sidade no país sira ne'ebé, maski konserva ida-idak nia identidade kulturál no religioza, nakloke ba diferença no hatene valoriza sira hodi fraternidade humana nia naran».

130. Ida-ne'e implika resposta indispensavel ruma, liuliu hasoru ema sira ne'ebé halai husi krize umanitária grave. Porezemplu, haboot no simplika konsesaun vistu sira, adota programa sira patrosíniu privadu no komunitáriu, loke korredór umanitáriu ba refugiadu sira ne'ebé vulneravel liu; oferece alojamentu adekuadu no dignu; garante seguransa pesoál no asesu ba servisu esensiál sira, asegura asisténsia konsulár adekuada, direitu atu mantein ho an rasik dokumentu pesoál identidade nian, asesu imparsiál ba justisa, possibilidade loke konta bankária no garantia kona-ba buat nesesáriu nian ba sobrevivénsia vitál, fó ba sira liberdade movimento nian no possibilidade atu serbisu, proteje menoridade sira no asegura ba sira asesu regulár ba edukasaun, prevé programa sira kustódia temporária eh akollimentu nian, garante liberdade religioza, promove sira-nia insersaun sosiál, favorece reunifikasiada familiár no prepara comunidade lokál sira ba prosesu sira integrasaun nian.

INVOKASAUN NO KNANANUK: *Misericordes sicut Pater!*

L– Ami rekoñese Na'i, ita-nia prezensa: ita-nia domin mai ami mak domin fiél, iha momentu hotu.

L–Na'i Jezús, Ita ne'ebé la subar Ita futar Oin maski ami hadook an husi Ita: ami ema maksalak, bolu ami no konverte ami, halo ami haksolok ho Maromak nia mizerikórdia rohan-laek.

L— Na'i, ita-nia liman sira nakloke iha krús mak sinál folin liu belun ida nian ne'ebé iha kbiit atu bá to'o rohan iha ninia domin.

L – Na'i, Ita moris nafatin. Iha ita-nia futar liman ami lori ami nia istória sira, ami-nia mehi sira, ami-nia preokupasaun sira.

L – Iha ita-nia oin, ami lori ami-nia família sira, ami-nia komunidade, lami-nia povu, iuliú sira Ne'ebé sofre moras todan oioin, inklui moras coronavirus nian.

L—Ami husu Ita-nia laran sadia ba povu sira-ne'ebé terus dook husi sira Rain nu'udar migrante no refuijadu.

ORASAUN FINÁL

(Papa Francisco –
Loron Mundiál Migrante no Refuijadu nian-2020)

«Aman, ita ne'ebé konfia ba S. José soin folin liu ne'ebé ita iha: Kosok-Oan Jezús no nia inan, atu nia proteje husi ema aat sira nia perigu no ameasa sira.

Haraik mós mai ami, grasa atu esperimenta ninia protesaun no tulun. Nia rasik koko terus nu'udar ema ne'ebé halai tanba kbiit-na'in sira nia ódiu, halo atu bele konforta no proteje maun no biñalin sira hotu ne'ebé, funu, pobreza no moris-susar obriga sira husik sira uman no rain atu hahú dalan nu'udar refuijadu sira ba fatin ne'ebé seguru liu.



Hodi ninia harohan daet, tulun sira iha kbiit atu kontinua, konfortu iha laran-susar, barani iha provasaun.

Fó ba sira ne'ebé simu refuijadu sira ternura uitoan husi aman justu no matenek ne'e, ne'ebé hadomi Jezús nu'udar nia oan loloos no ne'ebé hakmaan Maria tuir dalan naruk.

Nia, ne'ebé manán paun ho ninia liman sira nia serbisu, bele hamatan ba sira ne'ebé vida ne'e hasai sira soin hotu, hodi fó dignidade ida serbisu nian no hakmatek mai husi uma ida.

Ami husu ne'e hodi Jezús Kristu, Ita Oan, ne'ebé S. José salva hodi halai ba Ejitu, no hodi Virjen Maria nia intersetosaun, ne'ebé Nia hadomi nu'udar kaben fiél tuir Ita-nia vontade. Ámen».

KNANANUK REPOZISAUN NIAN:

**Laudates Omnes Gentes,
Laudate Dominum (2X)**